

BIL. 3 TAHUN 1987

7

BETA PERKENANKAN,

(RAJA AZLAN MUHIBBUDDIN SHAJI),  
Sultan Perak

(Mohor Kerajaan)

3hb Julai 1987.

Suatu Enakmen untuk membuat peruntukan berkenaan dengan penubuhan dan pengendalian industri-industri berasas kayu dan bagi apa-apa perkara yang bersampingan dan berbangkit berhubung dengannya.

[ ]

BAHAWASANYA Akta Industri Berasas Kayu *Akta 314* (Kekuasaan Badan Perundangan Negeri) 1984, memberi kuasa kepada Badan Perundangan sesebuah Negeri meluluskan undang-undang berkenaan dengan penubuhan dan pengendalian industri-industri berasas kayu yang dinyatakan dalam Jadual kepada Akta itu, dan bagi perkara-perkara yang bersampingan dan berbangkit berhubung dengannya sebagaimana yang disikirkan perlu oleh Badan Perundangan itu:

MAKA DENGAN INI DIPERBUAT UNDANG-UNDANG oleh Badan Perundangan Negeri Perak seperti berikut:

### BAHAGIAN I

#### PERMULAAN

1. Enakmen ini bolehlah dinamakan Enakmen Industri Berasas Kayu 1987, dan hendaklah mula berkuatkuasa *Tajuk tingkas dan mula berkuatkuasa*, pada tarikh yang ditetapkan oleh Pihak Berkuasa Negeri melalui pemberitahuan dalam *Warta*.
2. (1) Dalam Enakmen ini, melainkan jika konteksnya menghendaki makna yang lain----  
“ditetapkan” ertiinya ditetapkan oleh kaedah-kaedah;  
“industri berasas kayu” ertiinya suatu industri yang ditentukan dalam Jadual;  
“kaedah-kaedah” ertiinya kaedah-kaedah yang dibuat di bawah Enakmen ini;

“kesalahan di bawah Enakmen ini” termasuk, sebagai tambahan kepada kesalahan yang telah dijelaskan di bawah Enakmen ini atau mana-mana kaedah yang dibuat di bawahnya—

- (a) apa-apa pelanggaran, atau kegagalan mematuhi mana-mana peruntukan Enakmen ini atau kaedah yang dibuat di bawahnya;
- (b) apa-apa pelanggaran, atau kegagalan mematuhi terma-terma, syarat-syarat atau peruntukan-peruntukan mana-mana lesen, kebenaran, atau kuasa yang diberikan di bawah Enakmen ini atau di bawah mana-mana kaedah yang dibuat di bawahnya; dan
- (c) apa-apa pelanggaran, atau kegagalan mematuhi apa-apa perintah, arahan, atau kehendak yang diberikan secara sah atau yang dibuat di bawah Enakmen ini atau di bawah mana-mana kaedah yang dibuat di bawahnya;

“kayu” termasuklah pokok-pokok apabila ditebang atau telah ditebang dan semua kayu sama ada dipotong, dibentuk atau dirongga ataupun tidak bagi apa-apa maksud;

“kayu bulat” ertinya mana-mana bahagian yang dipotong daripada pokok, dan yang mempunyai garis-pusat tidak kurang daripada tiga puluh sentimeter pada sebelah hujungnya yang besar, yang tidak disediakan untuk digunakan selain dari membuang kulit dan dahan-dahan dan sama ada berseri kasar atau dibahagi secara membujur yang tidak lebih dari empat keping supaya mudah diangkut atau ditukar;

“kilang buluh” ertinya suatu jentera atau sekumpulan jentera yang berupaya mengawet, memproses dan menukar buluh, mengikut mana yang berkenaan, kepada keluaran dari berbagai bentuk dan rekabentuk;

“kilang kerja kayu” ertinya suatu jentera atau sekumpulan jentera yang boleh digunakan bagi memproses selanjutnya kayu, rotan dan buluh yang telah ditukar kepada keluaran-keluaran siap atau separuh siap selain dari kayu gergaji kasar;

“kilang kotak kayu, pak dan pallet” ertinya suatu jentera atau sekumpulan jentera yang berupaya membuat kotak, pak, pallet atau peti-peti besar untuk membawa barang-barang;

“kilang lantai parket” ertinya suatu jentera atau sekumpulan jentera yang berupaya mengeluarkan kepingan-kepingan kayu dari berbagai bentuk dan saiz yang biasanya disusun dengan bercorak untuk digunakan sebagai bahan lantai;

“kilang mancis” ertinya suatu jentera atau sekumpulan jentera yang berupaya memukar kayu kepada bilah-bilah, yang hujungnya dibubuh campuran bahan kimia supaya mudah dinyalakan dengan haba atau geseran;

“kilang papau” ertinya suatu jentera atau sekumpulan jentera yang boleh digunakan untuk menukar kayu bulat tetapi tidak termasuk gergaji menggunakan tenaga mudah yang boleh dikendalikan dengan memegang dengan tangan;

“kilang papan bergerak” ertinya suatu kilang papan yang tidak terletak atau terikat secara kekal pada tanah dan yang boleh dibawa dengan mudah dari suatu tempat ke suatu tempat lain;

“kilang papan blok”, “kilang papan bilah” atau “kilang papan berlapis” ertinya suatu jentera atau sekumpulan jentera yang berupaya mengeluarkan papan gubah yang mengandungi teras daripada jalur-jalur kayu dari berbagai ukuran yang dicantumkan bersama dengan glu di antara venir-venir;

“kilang papan gentian” ertinya suatu jentera atau sekumpulan jentera yang berupaya mengeluarkan papan yang terdiri dari kayu yang telah dikeluarkan gentian atau pulpanya dan kemudiannya dikonsolidasi dengan tekanan, haba atau selainnya, dengan atau tanpa bahan pengikat dan bahan-bahan tambahan;

“kilang papan lapis” ertinya suatu jentera atau sekumpulan jentera yang berupaya mengopek kayu balak menjadi venir bagi membuat sesuatu keluaran terpasang yang terdiri dari lapisan-lapisan kayu yang diglu atau disimenkan sekali dengan tekanan mengikut arah ira lapisan-lapisan yang bersempadan berada pada sudut tegak antara satu dengan lain;

“kilang kayu kumai” ertinya suatu jentera atau sekumpulan jentera yang berupaya mengilang kumaian;

“kilang papan serpih” atau “kilang papan serpai” ertinya suatu jentera atau sekumpulan jentera yang berupaya mengeluarkan papan yang dibuat daripada serpihan-serpihan kayu, termasuk serpaian, tatal dan abuk kayu yang telah dihancurkan sebahagiannya atau keseluruhannya dan kemudiannya dikonsolidasi dengan tekanan, haba atau selainnya, dengan atau tanpa bahan pengikat dan bahan-bahan tambahan;

“kilang papan tatal kayu” atau “kilang papan simen kayu” ertinya suatu jentera atau sekumpulan jentera yang berupaya mengeluarkan suatu papan yang terdiri dari serpihan-serpihan kayu termasuk serpai, tatal, dan abuk kayu yang dimampat dengan pengikat simen dan bahan-bahan tambahan;

“kilang papan wafer” atau “kilang papan flake” ertinya suatu jentera atau sekumpulan jentera yang berupaya, menukar kayu kepada wafer atau flake dan kemudiannya mengkonsolidasi wafer atau flake itu menjadi bahan keping dengan menggunakan resin sintetik atau lain-lain pengikat organik berserta dengan penggunaan haba dan tekanan;

“kilang perabot” ertinya suatu jentera atau sekumpulan jentera yang boleh digunakan untuk memproses selanjutnya kayu, rotan dan buluh menjadi perabot atau bahagian-bahagian perabot;

“kilang pulpa dan kertas” ertinya suatu jentera atau sekumpulan jentera yang boleh digunakan bagi mengeluarkan gentian-gentian kayu melalui proses mekanik atau kimia dan menukar sebahagian atau kesemua gentian-gentian yang dipisahkan itu menjadi kertas, papan kertas atau keluaran-keluaran lain yang seumpamanya;

“kilang pulpa rayon” ertinya suatu jentera atau sekumpulan jentera yang boleh digunakan bagi mengeluarkan gentian-gentian kayu melalui proses mekanik atau kimia menjadi selulosa yang amat bersih dan sesuai bagi pengilangan rayon atau lain-lain keluaran daripada selulosa;

“kilaug rotan” ertinya suatu jentera atau sekumpulan jentera yang berupaya mengawet, memproses dan menukar rotan, mengikut mana yang berkenaan, kepada keluaran-keluaran dari berbagai bentuk dan rekabentuk;

“kilang venir” ertinya suatu jentera atau sekumpulan jentera yang berupaya mengopek atau melayang kayu menjadi venir;

“loji cebis kayu” ertinya suatu jentera atau sekumpulan jentera yang berupaya menukar apa jua bentuk kayu kepada cebis-cebis yang hampir-hampir sama ukurannya;

“loji hidrolisis kayu” ertinya suatu jentera atau sekumpulan jentera yang boleh digunakan bagi menukar karbohidrat yang ada pada kayu atau bahan-bahan selulosa lain kepada gula yang kemudiannya akan ditapai untuk menghasilkan alkohol perindustrian;

“loji kayu briket” ertinya suatu jentera atau sekumpulan jentera yang berupaya memampatkan abuk kayu, tatal, lebihan kayu dan arang, dengan atau tanpa bahan pengikat, untuk digunakan sebagai bahan api;

“loji komponen-komponen bangunan kayu siap dulu” ertinya suatu jentera atau sekumpulan jentera yang berupaya mengilang komponen-komponen, bahagian-bahagian sesuatu bangunan yang dipasang lengkap atau struktur-struktur lain sebagai persediaan bagi pemangsannya di sesuatu tempat;

“loji pengawetan” ertinya suatu jentera atau sekumpulan jentera yang boleh digunakan bagi mengawet kayu dengan bahan pengawet yang boleh mengurangkan rentanan kemerosotan kayu disebabkan oleh kulat, serangga, serangga pasak laut atau api;

“loji penyulingan kayu” ertinya suatu jentera atau sekumpulan jentera yang boleh digunakan bagi penguraian kayu dengan memanaskan tanpa hubungan udara, dan mengeluarkan terutamanya arang, sulingan tar, asid piroligenous dan gas mudah terbakar;

“loji tanur pengering” ertinya suatu kebuk yang boleh menyesuaikan kayu kepada aras kandungan air yang dikehendaki melalui penggunaan proses termal, elektrik, suria dan kimia;

“loji tepung kayu” ertiinya suatu jentera atau sekumpulan jentera yang berupaya menukar apabila bentuk kayu melalui proses mekanik kepada zarah-zarah halus;

*Akta 313.*

“pegawai hutan” ertiinya pegawai yang dilantik di bawah subseksyen (1) seksyen 3 Akta Perhutanan Negara 1984;

*Akta 313.*

“Pengarah” ertiinya Pengarah Hutan Negeri yang dilantik di bawah subseksyen (1) seksyen 3 Akta Perhutanan Negara 1984 dan termasuk seseorang Timbalan Pengarah Hutan Negeri yang dilantik di bawah seksyen itu;

“pokok” termasuklah akar, tungkul, batang, dahan, daun, belukar, palma, buluh, rotan dan tumbuhan jalar;

“tanur arang” ertiinya suatu kebuk atau retort yang dibina daripada bata atau logam bagi pengkarbonan kayu untuk menghasilkan arang dan termasuklah suatu tanur tanah atau tanur lubang.

*Akta 313.*

(2) Tertakluk kepada subseksyen (1) dan melainkan jika konteksnya menghendaki makna yang lain, semua perkataan dan ungkapan yang digunakan di dalam Enakmen ini yang telak ditakrifkan di dalam Akta Perhutanan Negara 1984 hendaklah mempunyai makna yang diberikan kepadanya di bawah Akta itu.

(3) Di dalam Enakmen ini, apa-apa sebutan mengenai Enakmen ini atau sesuatu undang-undang bertulis yang tertentu termasuklah sebutan terhadap mana-mana perundangan subsidiari yang dibuat di bawahnya.

## BAGIAN II

### PERLESENAN INDUSTRI-INDUSTRI BERASAS KAYU

Larangan  
terhadap  
industri  
berasas  
kayu  
kecuali  
dengan  
lesen.

3. (1) Tiada seseorang pun boleh menempatkan, membina, mendirikan, menubuhkan, mengendalikan atau menyenggarakan suatu industri berasas kayu, kecuali dengan lesen yang dikeluarkan kepadanya oleh Pihak Berkuasa Negeri dan ditandatangani oleh Pengarah.

(2) Sesorang yang mencapak, membina, mendirikan, menubuhkan, mengendalikan atau menyenggarakan suatu industri berasas kayu, yang tidakakukan sesuatu perbuatan bagi menempatkan, membina, mendirikan, menubuhkan, mengendalikan atau menyenggarakan suatu industri berasas kayu tanpa terlebih dahulu mengambil lesen di bawah subseksyen (1) (kemudian daripada ini disebut "lesen" di dalam Enakmen ini) adalah melakukan suatu kesalahan di bawah Enakmen ini.

(3) Sesorang yang membantu, atau terlibat dengan apa-apa cara, di dalam menempatkan, membina, mendirikan, menubuhkan, mengendalikan, menyenggarakan atau mengurus sesuatu industri berasas kayu yang mengenainya tidak ada suatu lesen yang sah berkuasa adalah bersalah atas suatu kesalahan di bawah Enakmen ini.

4. (1) Permohonan bagi sesuatu lesen hendaklah di dalam borang yang ditetapkan, dan hendaklah mengandungi butir-butir dan keterangan yang ditetapkan.

(2) Pihak Berkuasa Negeri atau Pengarah boleh, menghendaki pemohon memberikan butir-butir atau keterangan lanjut berkaitan dengan sesuatu permohonan bagi mendapatkan lesen itu sebagaimana yang disifatkan perlu oleh Pihak Berkuasa Negeri atau Pengarah.

5. (1) Sesuatu lesen hendaklah di dalam bentuk yang ditetapkan dan, tertakluk kepada Enakmen ini, hendaklah tertakluk kepada terma-terma, syarat-syarat dan peruntukan-peruntukan yang terkandung di dalam lesen itu dan, setakat yang tidak berlawanan dengannya, kepada mana-mana terma, syarat atau peruntukan lain yang ditetapkan.

(2) Sesuatu lesen hendaklah tertakluk kepada pembayaran fee-fee, caj-caj atau jumlah wang berkala sebagaimana yang ditentukan di dalam lesen dan, jika tidak ditentukan, sebagaimana yang ditetapkan.

6. (1) Pihak Berkuasa Negeri boleh menghendaki, sebelum sesuatu lesen dikeluarkan, supaya suatu jaminan sebagaimana yang ditetapkan olehnya, di berikan atau sejumlah wang sebagaimana yang akan

ditetapkan olehnya didepositkan dengan Kerajaan Negeri, bagi pematuhan wajar terma-terma, syarat-syarat dan peruntukan-peruntukan yang terkandung di dalam lesen dan peruntukan-peruntukan Enakmen ini.

(2) Tanpa menjelaskan peruntukan-peruntukan lain Enakmen ini, di mana terdapat pelanggaran mananya terma, syarat atau peruntukan yang terkandung dalam sesuatu lesen atau pelanggaran mananya peruntukan Enakmen ini, keseluruhan jaminan atau deposit itu, atau sebahagian daripadanya sebagaimana yang ditentukan oleh Pihak Berkuasa Negeri, akan terlucutahak kepada Kerajaan Negeri jika selepas seseorang pemegang lesen diberi peluang untuk didengaria tidak dapat memaskan hati Pihak Berkuasa Negeri bahawa jaminan atau deposit atau sebahagian daripada jaminan atau deposit itu tidak patut dilucutahakkan.

**Penyata dan rekod.**

7. Seseorang pemegang lesen hendaklah menyenggarkan rekod-rekod dan memberikan penyata-penyalaman maklumat berkenaan dengan aktiviti-aktiviti yang mengenainya lesen itu diberikan sebagaimana yang dinyatakan dalam lesen itu, atau sebagaimana yang ditetapkan dari semasa ke semasa, atau sebagaimana yang dikehendaki secara bertulis oleh Pihak Berkuasa Negeri atau Pengarah supaya disenggarakan atau diberikan.

**Tempoh sesuatu lesen.**

3. (1) Sesuatu lesen hendaklah dikeluarkan bagi sesuatu tempoh yang dinyatakan di dalam lesen itu, dan hendaklah, jika telah dinyatakan di dalam lesen itu, boleh diperbaharui bagi suatu tempoh atau tempoh-tempoh selanjutnya yang sebagaimana yang dinyatakan di dalam lesen itu.

(2) Kecuali sebagaimana yang ditetapkan selainnya, sesuatu lesen akan luput apabila pemegang lesen itu mati (jika ia seorang orang sebenar) atau apabila pemegang lesen dibubarkan (jika ia bukan orang sebenar).

**Larangan terhadap penyerahan hak, pemindahan milik, surat kuasa wakil, dsb.**

9. (1) Sesuatu lesen tidak boleh diserahkan atau dipindahmilikkan dengan apa-apa cara atau dalam apa-apa bentuk, dan apa-apa hak di bawah atau mengenai lesen itu tidak boleh diberikan, atau dilupuskan, atau diserahkan kepada mana-mana orang oleh pemegang

lesen, kecuali sebagaimana yang dibenarkan secara bertulis oleh Pihak Berkuasa Negeri, dan tertakluk kepada terma-terma dan syarat-syarat sebagaimana yang ditetapkan oleh Pihak Berkuasa Negeri semasa memberikan kebenaran itu.

(2) Seseorang pemegang lesen tidak boleh memberi apa-apa surat kuasa wakil atau melantik wakil mengenai lesen itu, atau mengenai apa-apa hal di bawah lesen itu, kecuali sebagaimana yang dibenarkan oleh Pihak Berkuasa Negeri dan tertakluk kepada terma-terma dan syarat-syarat sebagaimana yang ditetapkan oleh Pihak Berkuasa Negeri semasa memberikan kebenaran itu.

10. (1) Pengeluaran sesuatu lesen tidak melepaskan pemegang lesen daripada mematuhi mana-mana undang-undang Persekutuan yang berhubungan dengan aktiviti-aktiviti yang baginya lesen itu dikeluarkan.

(2) Sesuatu lesen tidak boleh mengandungi apa-apa syarat atau sekatan yang bertentangan atau yang tak selaras dengan apa-apa syarat atau sekatan yang dikenakan ke atas mana-mana lesen lain yang telah dikeluarkan kepada pemegang lesen di bawah mana-mana undang-undang Persekutuan yang berkaitan dengan aktiviti itu dan apa-apa syarat atau sekatan yang bertentangan atau yang tak selaras dengan syarat-syarat atau sekatan-sekatan berkenaan adalah tidak sah sekatah mana syarat atau sekatan itu bertentangan atau tak selaras sedemikian.

11. (1) Jika Pengarah mempunyai sebab untuk mempercayai bahawa pemegang lesen itu telah melanggar mana-mana terma, syarat atau peruntukan lesen, atau mana-mana peruntukan Enakmen ini, dia boleh menghendaki pemegang lesen hadir di hadapannya dan memberikan sebab mengapa leseninya tidak patut digantung atau dibatalkan.

(2) Seseorang yang dikehendaki menunjukkan sebab di bawah subseksyen (1) —

(a) hendaklah diberi oleh Pengarah secara bertulis butir-butir alasan-alasan yang berdasarkannya lesen itu dicadangkan akan digantung atau dibatalkan;

Pemegang  
lesen  
hendaklah  
mematuhi  
undang-  
undang  
Per-  
sekutuan;  
syarat-  
syarat  
atau  
sekatan-  
sekatan  
di bawah  
Undang-  
Undang  
Per-  
sekutuan  
mengatas.

kuasa  
meng-  
gantung  
atau  
menbatal-  
kan lesen.

- (b) hendaklah diberi notis tidak kurang daripada empat belas hari sebelum perbicaraan di hadapan Pengarah mengenai cadangan untuk menggantung atau membatalkan lesen; dan
- (c) boleh hadir sendiri di perbicaraan itu atau diwakili oleh orang yang diberi kuasa olehnya secara bertulis.

(3) Jika selepas perbicaraan itu Pengarah berpuas hati bahawa seseorang yang diketahui untuk memberi sebab telah melanggar mana-mana terma, syarat, atau peruntukan lesen, atau mana-mana peruntukan Enakmen ini, dia boleh—

- (a) menggantung lesen itu bagi sesuatu tempoh sebagaimana yang ditentukan olehnya; atau
- (b) membatalkan lesen itu mulai dari sesuatu tarikh sebagaimana yang dinyatakan olehnya.

(4) Mana-mana orang yang terkilan dengan sesuatu keputusan Pengarah di bawah subseksyen (3) boleh, dalam tempoh tiga puluh hari dari tarikh dia diberitahu tentang keputusan itu, merayu kepada Pihak Berkuasa Negeri dan keputusan Pihak Berkuasa Negeri adalah muktamad dan tidak boleh dipersoalkan di dalam mana-mana mahkamah.

### BAHAGIAN III

#### PENGUATKUASAAN

Kuasa  
menangkap  
tanpa  
waran.

**12.** (1) Seseorang pegawai hutan yang berpangkat tidak rendah daripada Penolong Pegawai Hutan Daerah atau seseorang pegawai polis boleh menangkap tanpa waran mana-mana orang yang dia mempunyai sebab untuk mempercayai telah melakukan kesalahan di bawah Enakmen ini jika orang itu enggan menyatakan nama dan alamatnya atau jika ada alasan yang munasabah bagi mempercayai bahawa dia telah menyatakan nama palsu atau alamat palsu atau bahawa dia mungkin melarikan diri.

N.M.B.  
Bab 6.

(2) Apabila seseorang telah ditangkap di bawah subseksyen (1) dia hendaklah diperlakukan sebagaimana yang diperuntukkan oleh Kanun Prosedur Jenayah.

13. Seseorang pegawai hutan yang berpangkat tidak rendah daripada Penolong Pegawai Hutan Daerah, atau seseorang pegawai polis yang berpangkat tidak rendah daripada Inspektor, boleh, berhubung dengan apa-apa penyiasatan mengenai apa-apa kesalahan di bawah Enakmen ini, menjalankan, tanpa perintah Pendakwa Raya, kuasa-kuasa khas berhubung dengan penyiasatan polis yang diperuntukkan oleh Kanun <sup>N.M.H.</sup>  
<sup>Bab 6.</sup>

14. Seseorang pegawai hutan atau pegawai polis boleh menyata—

- (a) apa-apa jua artikel atau benda yang dianggapnya perlu disita berkaitan dengan keterangan yang perlu untuk membuktikan suatu kesalahan yang dilakukan di bawah Enakmen ini;
- (b) apa-apa kayu atau kayu ditukar bentuk yang mengenainya telah ada atau ada sebab munasabah bagi mengesyaki bahawa telah berlaku suatu kesalahan di bawah Enakmen ini;
- (c) apa-apa jentera atau kumpulan jentera, atau bekas, pekej atau alat pengangkutan yang telah digunakan berkaitan dengan apa-apa kesalahan di bawah Enakmen ini atau yang di dalamnya apa-apa yang digunakan berkaitan dengan se suatu kesalahan di bawah Enakmen ini telah dijumpai; atau
- (d) apa-apa alat, buku, dokumen atau benda lain yang dengan munasabahnya dipercayai ada kaitan dengan apa-apa kesalahan di bawah Enakmen ini.

15. Jika pada himat mana-mana pegawai hutan yang berpangkat tidak rendah daripada Penolong Pegawai Hutan Daerah, atau mana-mana pegawai polis yang berpangkat tidak rendah daripada Inspektor, terdapat sebab yang munasabah bagi mempercayai bahawa mana-mana benda yang boleh disita di bawah perenggan (a), (b), (c) atau (d) seksyen 14 boleh ditemui di mana-mana kilang, bangunan, binaan, premis, tanah, alat pengangkutan, atau tempat lain, dia boleh di waktu

siang atau malam dan dengan atau tanpa bantuan memasuki tempat itu dan menyiasat, menyita dan memindahkan benda itu, dan untuk berbuat demikian, dia boleh—

- (a) memecah buka mana-mana pintu luar atau dalam, atau mana-mana pagar, kepungan, pintu pagar atau galangan-galangan lain yang menghalang kemasukan ke tempat-tempat itu;
- (b) memindahkan secara paksa mana-mana galangan terhadap kemasukan, penggeledahan, penyitaan dan pemindahan itu; dan
- (c) menahan mana-mana orang yang dijumpai di dalamnya atau di situ sehingga kemasukan, penggeledahan, penyitaan dan pemindahan telah selesai dijalankan.

Kewajipan  
pegawai  
yang  
menyita.

16. Apabila apa-apa benda disita di bawah Enakmen ini pegawai yang menyita hendaklah dengan serta-merta—

- (a) meletakkan pada benda itu atau pada bekas atau pekej yang mengandungi benda itu suatu tanda yang menunjukkan bahawa benda itu telah disita; dan
- (b) memberi notis secara bertulis mengenai penyitaan itu dan alasan-alasannya kepada pemunya benda tersebut, jika diketahui, sama ada dengan menghantar apa-apa notis kepadanya sendiri atau melalui pos, atau meninggalkannya di tempat kediamannya jika diketahui.

Merobah  
dll.  
barang-  
barang  
yang disita  
di bawah  
Enakmen  
ini.

17. Mana-mana orang yang, kecuali semasa menjalankan tugas rasminya di bawah Enakmen ini, merobah, memindahkan, merosakkan atau memusnahkan apa-apa benda yang disita di bawah Enakmen ini adalah bersalah atas suatu kesalahan dan apabila disabitkan boleh dikenakan denda tidak melebihi lima ribu riuggit atau penjara selama tempoh yang tidak melebihi dua tahun atau kedua-duanya denda dan penjara itu.

Perlucut-  
hakan  
barang-  
barang  
yang disita.

18. (1) Apa-apa benda yang disita di bawah Enakmen ini boleh dikenakan lucuthak.

(2) Jika apa-apa benda telah disita di bawah Enakmen ini, seseorang pegawai hutan yang berpangkat tidak rendah daripada Penolong Pegawai Hutan Daerah boleh, mengikut budibicaranya, melepaskan untuk sementara benda itu kepada pemunya benda tersebut apabila diberi jaminan yang memuaskan hatinya bahawa benda itu akan diserahkan kepadanya apabila diminta atau dibawa ke hadapan mahkamah di mana beliau atau mahkamah boleh menghendaknya dibawa.

(3) Suatu perintah bagi melucutahkan atau bagi melepaskan apa-apa benda yang boleh dikenakan lucut-hak di bawah Enakmen ini hendaklah dibuat oleh mahkamah yang di hadapannya pendakwaan mengenai benda itu telah diadakan dan suatu perintah bagi melucutahkan benda itu hendaklah dibuat jika dibuktikan dengan memuaskan hati mahkamah bahawa suatu kesalahan di bawah Enakmen ini telah dilakukan dan bahawa benda itu adalah hal perkara, atau telah digunakan dalam melakukan, kesalahan itu walaupun tiada seorang pun telah disabitkan atas kesalahan itu.

(4) Jika tiada apa-apa pendakwaan mengenai benda yang disita di bawah Enakmen ini, benda itu hendaklah diambil dan disifatkan terlucut-hak apabila tamat tempoh satu bulan kalender dari tarikh penyataan itu melainkan jika sebelum tarikh itu mana-mana orang yang mendakwa bahawa dia adalah pemunya benda itu dan bahawa benda itu tidak boleh dikenakan lucut-hak telah dengan sendiri atau melalui ejennya yang diberi kuasa secara bertulis memberi notis bertulis kepada pegawai hutan atau pegawai polis yang dalam miliknya benda itu berada menyatakan bahawa dia menuntut benda itu.

(5) Apabila notis di bawah subseksyen (4) diterima, pegawai hutan atau pegawai polis, mengikut mana yang berkenaan, hendaklah merujukkan tuntutan itu kepada Pengarah yang boleh mengarahkan supaya benda itu dilepaskan atau boleh mengarahkan pegawai itu merujukkan perkara itu kepada Mahkamah Sesyen untuk diputuskan.

(6) Yang Dipertua Mahkamah Sesyen yang kepada-nya perkara itu dirujukkan hendaklah mengeluarkan suatu saman menghendaki orang yang mendakwa bahawa dia adalah pemunya benda itu serta orang yang,

daripadanya benda itu disita supaya hadir di hadapannya dan apabila orang itu hadir atau ingkar hadir Yang Dipertua itu hendaklah meneruskan pemeriksaan ke atas perkara itu, dan apabila terbukti bahawa suatu kesalahan telah dilakukan di bawah Enakmen ini dan bahawa benda itu adalah hal perkara atau telah digunakan dalam melakukan kesalahan itu, hendaklah memerintahkan supaya benda itu dilucutkakkan atau jika tidak ada bukti boleh memerintahkan supaya benda itu dilepaskan.

(7) Semua benda yang dilucutkakkan di bawah Enakmen ini hendaklah diserahkan kepada Pegawai Hutan Daerah dan hendaklah dilupuskan mengikut arahan Pengarah.

(8) Jika apa-apa benda yang disita di bawah Enakmen ini adalah daripada jenis mudah rosak atau adalah tertakluk kepada reput yang cepat dan semula jadi atau jika penjagaan benda itu melibatkan perbelanjaan dan kesulitan yang tidak munasabah, atau dipercayai menyebabkan galangan atau bencana kepada orang awam, Pengarah boleh mengarahkan supaya benda itu dijual pada bila-bila masa dan hasil jualan dipegang bagi mematuhi keputusan apa-apa pendakwaan atau tuntutan di bawah seksyen ini.

Tiada kos  
atau apa-apa  
ganti rugi  
dsb.,  
kerana pe-  
nyitaan.

19. Tiada seorang pun boleh dalam mana-mana prosiding di hadapan mana-mana mahkamah mengenai penyitaan apa-apa benda yang disita dalam menjalankan kuasa-kuasa yang diberi di bawah Enakmen ini berhak mendapat kos prosiding itu atau apa-apa ganti rugi atau relif lain selain daripada perintah bagi memulangkan benda itu atau membayar nilainya.

Kuasa-  
kuasa  
lain se-  
seorang  
pegawai  
hutan:

20. (1) Bagi maksud melaksanakan peruntukan-peruntukan Enakmen ini, seseorang pegawai hutan yang berpangkat tidak rendah daripada Pengawas Hutan mempunyai kuasa—

(a) memasuki, memeriksa dan menyelidiki pada bila-bila masa yang munasabah, mana-mana loji, kilang, bangunan, binaan, establishmen, tempat atau premis yang dikehendaki dilesen di bawah Enakmen ini;

- (b) menghendaki seseorang yang menjadi pemunya, atau yang mengendalikan, atau yang bertanggungjawab atas mana-mana industri berasas kayu memberinya maklumat yang dianggapnya perlu atau mengeluarkan apa-apa rekod atau dokumen yang disimpan menurut Enakmen ini atau mengenai industri berasas kayu itu, dan memeriksa, meneliti dan membuat salinan mana-mana rekod atau dokumen itu;
  - (c) menghendaki sesiapa yang ditemuiinya dalam sesuatu loji, kilang, bangunan, binaan, establisemen, tempat atau premis di mana suatu industri berasas kayu dijalankan memberinya maklumat yang difikirkannya perlu bagi menentukan identiti pemunya, pengendali atau orang yang bertanggungjawab atas industri tersebut;
  - (d) menjadikan apa-apa jentera yang digunakan dalam mana-mana industri berasas kayu yang tidak mematuhi peruntukan-peruntukan Enakmen ini tidak dapat dikendalikan dengan mengelaknya atau dengan apa-apa cara lain; dan
  - (e) menghendaki mana-mana pemegang lesen atau pemunya mana-mana industri berasas kayu merobohkan apa-apa bangunan, binaan atau mana-mana bahagian daripadanya, atau memindahkan apa-apa jentera yang disimpan atau digunakan di dalamnya, yang tidak mematuhi peruntukan-peruntukan Enakmen ini.
- (2) Pemunya, pemegang lesen, atau mana-mana orang yang mengendalikan atau yang bertanggungjawab atas mana-mana industri berasas kayu hendaklah memberikan bantuan sebagaimana yang dikehendaki oleh seseorang pegawai hutan dalam menjalankan kuasa-kuasanya di bawah seksyen ini.
- (3) Mana-mana orang yang—
- (a) dengan sengaja melengahkan, menggendaikan atau menghalang seseorang pegawai hutan dalam menjalankan mana-mana kuasa di bawah seksyen ini;

- (b) enggan memberikan bantuan sebagaimana yang dikenyatakan oleh pegawai itu dalam menjalankan mana-mana kuasa di bawah seksyen ini; atau
- (c) tanpa alasan yang munasabah, tidak atau enggan mengemukakan apa-apa rekod atau dokumen yang dikenyatakan oleh pegawai itu dalam menjalankan mana-mana kuasa di bawah seksyen ini atau yang, semasa mengemukakan apa-apa maklumat, rekod atau dokumen yang dikenyatakan, dengan disedarinya atau dengan melulu membuat apa-apa pernyataan yang palsu dalam sesuatu butir material atau yang dengan disedarinya mengemukakan apa-apa rekod atau dokumen yang palsu dalam sesuatu butir material,

adalah bersalah atas suatu kesalahan dan apabila disabitkan boleh dikenakan hukuman denda yang tidak melebihi dua ribu ringgit atau penjara bagi suatu tempoh yang tidak melebihi satu tahun atau kedua-duanya denda dan penjara itu.

Kuasa  
menahan  
dan meng-  
geledah  
alat-alat  
pengang-  
kutan.

**21.** (1) Jika mana-mana pegawai hutan yang berpangkat tidak rendah daripada Pengawas Hutan atau mana-mana pegawai polis mengesyaki dengan munasabah bahawa mana-mana alat pengangkutan sedang membawa apa-apa benda melanggar Enakmen ini sedang atau telah dilakukan, dia boleh menahan dan memeriksa alat pengangkutan itu.

(2) Orang yang mengawal atau bertanggungjawab atas alat pengangkutan itu hendaklah, jika dikenyatakan berbuat begitu oleh pegawai hutan atau pegawai polis itu—

- (a) memberhentikan alat pengangkutan tersebut dan membenarkan pegawai hutan atau pegawai polis itu memeriksanya; dan
- (b) membuka semua bahagian alat pengangkutan untuk diperiksa dan mengambil langkah yang perlu bagi membolehkan atau memudahkan pemeriksaan yang disikirkan perlu dibuat oleh pegawai hutan atau pegawai polis itu dijalankan.

(3) Mana-mana orang yang, tanpa sebab yang munasabah, tidak atau enggan mematuhi apa-apa kehendak pegawai hutan atau pegawai polis di bawah subseksyen (2) adalah bersalah atas suatu kesalahan dan apabila disabitkan boleh dikenakan hukuman denda yang tidak melebihi satu ribu ringgit atau penjara bagi suatu tempoh yang tidak melebihi enam bulan atau kedua-dua denda dan penjara itu.

#### BAIJAGIAN IV

##### PELBAGAI

22. (1) Pengarah boleh mendakwa sesuatu kesalahan, atau membawa atau membela sesuatu tindakan, guaman atau prosiding lain berhubung dengan apa-apa perkara, di bawah Enakmen ini.

Kuasa Pengarah untuk mendakwa, atau membawa atau membela tindakan-tindakan dsb.

(2) Dalam sesuatu pendakwaan, tindakan, guaman atau prosiding lain yang seksyen ini terpakai baginya, Pengarah boleh hadir sendiri, atau boleh diwakili oleh seseorang Peguam Persekutuan, Penasihat Undang-Undang Negeri, Timbalan Pendakwa Raya atau Pegawai Hutan.

23. Jika orang yang dipertuduh melakukan suatu kesalahan di bawah Enakmen ini adalah suatu perbadanan, tiap-tiap orang yang, pada masa berlakunya kesalahan sedemikian, adalah seorang pengarah atau pegawai perbadanan itu boleh dipertuduh bersesama dalam prosiding yang sama dengan perbadanan itu dan jika perbadanan itu disabitkan dengan kesalahan yang dipertuduhkan, tiap-tiap pengarah atau pegawai sedemikian hendaklah disifatkan melakukan kesalahan itu melainkan jika dia membuktikan bahawa kesalahan itu telah dilakukan tanpa pengetahuannya dan bahawa dia mengambil pengawasan yang munasabah untuk mencegah berlakunya kesalahan sedemikian.

Kesalahan-kesalahan yang dilakukan oleh perbadanan

24. Seseorang yang boleh dikenakan penalti kerana sesuatu yang dilakukan, atau ditinggalkan daripada dilakukan, atau apa-apa kesalahan yang dilakukan, olehnya sendiri, boleh dikenakan penalti yang sama jika perkara itu telah dilakukan atau ditinggalkan dari-

Kesalahan yang dilakukan oleh pekerja, pengkhidmat atau agen.

pada dilakukan, atau jika kesalahan itu telah dilakukan, oleh bekongsinya, ejennya atau pengkhidmatnya melainkan jika dia membuktikan yang dia telah mengambil pengawasan yang munasabah untuk mencegah perkara itu daripada dilakukan atau mencegah terjadinya peninggalan itu, atau berlakunya kesalahan itu.

## Kad kuasa.

25. (1) Tiap-tiap pegawai hutan apabila bertindak di bawah Enakmen ini hendaklah, apabila diminta, menyatakan jawatannya dan mengemukakan kepada orang yang terhadapnya dia bertindak atau yang dari padanya dia mencari apa-apa maklumat kad kuasa yang diarahkan oleh Pengarah supaya dibawa oleh pegawai itu.

(2) Tidaklah menjadi kesalahan bagi seseorang enggan mematuhi sesuatu permintaan, tuntutan atau perintah yang dibuat oleh seseorang pegawai hutan yang bertindak atau berupa sebagai bertindak di bawah Enakmen ini jika pegawai itu enggan menyatakan jawatannya dan mengeluarkan kad kuasanya apabila dituntut oleh orang yang sedemikian.

Per-lindungan  
kepada  
pegawai-  
pegawai  
hutan,  
pegawai-  
pegawai  
polis  
dan orang-  
orang lain

26. Tiada apa-apa tindakan atau pendakwaan boleh dibuat, dibawa atau disenggarakan di mana-mana mahkamah terhadap seseorang pegawai hutan atau pegawai polis sama ada secara sendiri atau atas sifat rasminya kerana atau oleh sebab atau berkenaan dengan sesuatu tindakan yang diperintahkan atau dilakukan olehnya atau yang berupa sebagai telah diperintahkan atau dilakukan olehnya bagi maksud menguatkuaskan Enakmen ini, dan tiada apa-apa guaman atau pendakwaan boleh dibuat di mana-mana mahkamah terhadap seseorang lain kerana atau oleh sebab atau berkenaan dengan sesuatu tindakan yang dilakukan atau yang berupa sebagai telah dilakukan olehnya di bawah perintah, arahan atau suruhan seorang pegawai hutan atau pegawai polis yang diberikan bagi apa-apa maksud seperti yang disebut terdahulu:

Dengan syarat bahawa tindakan pegawai atau orang itu dilakukan dengan suci hati dan dengan kepercayaan yang munasabah bahawa tindakan itu perlu bagi maksud yang dicadangkan akan dihasilkan olehnya.

27. Jika seseorang melakukan kesalahan di bawah Penalti Enakmen ini yang tiada apa-apa penalti dinyatakan baginya, dia boleh, apabila disabitkan, dikenakan hukuman penjara selama tempoh yang tidak melebihi satu tahun, atau denda yang tidak melebihi dua ribu ringgit, atau kedua-duanya penjara dan denda itu.

28. Pihak Berkuasa Negeri boleh membuat kaedah-kaedah yang didapatinya perlu atau bermanfaat bagi menjalankan peruntukan-peruntukan Enakmen ini, dan khususnya, tetapi tanpa menyentuh keluasan seksyen ini, kaedah-kaedah sedemikian boleh—

- (a) menetapkan cara memohon sesuatu lesen di bawah Enakmen ini, borang atau borang-borang yang hendak digunakan, butir-butir yang perlu diberikan oleh seseorang pemohon, fee-fee, caj-caj, atau bayaran-bayaran berkala yang kena dibayar dan syarat-syarat atau sekatan-sekatan yang akan dikenakan atas lesen itu;
- (b) menetapkan standard-standard dan cara-cara mengering, mengawet, menyimpan, memberkas dan membungkus kayu;
- (c) menetapkan standard-standard minimum bagi penyenggaraan dan pengendalian apa-apa jentera yang digunakan oleh mana-mana industri berasas kayu;
- (d) menetapkan kaedah-kaedah pembuangan sisasisa, cecair keluar dan benda atau bahan industri lain yang terbit daripada atau berhubungan dengan industri berasas kayu;
- (e) menetapkan standard-standard dan spesifikasi minimum bagi bangunan-bangunan, alat jentera dan susunatur kilang bagi industri berasas kayu;
- (f) menetapkan standard-standard minimum bagi kebersihan dan keselamatan yang perlu dipelihara oleh industri berasas kayu;
- (g) menetapkan prosedur bagi menghentikan perjalanan dan bagi mengelak, mana-mana tempat, premis, bangunan, atau binaan di mana industri berasas kayu sedang dijalankan, atau apa-apa

jeneta yang digunakan di dalam menjalankan industri tersebut dan bentuk notis yang dikehendaki baginya;

- (h) membuat peruntukan bagi memberhentikan, memeriksa, menanda, menahan dan melaporkan apa-apa kayu ditukar bentuk yang dalam perjalanan;
- (i) membuat peruntukan bagi kesalahan-kesalahan di bawah kaedah-kaedah yang dibuat di bawah seksyen ini dan supaya orang-orang yang didapati bersalah di atas kesalahan-kesalahan itu, apabila disabitkan boleh dikenakan penjara selama tempoh yang tidak melebihi satu tahun atau denda yang tidak melebihi dua ribu ringgit, atau kedua-duanya penjara dan denda itu;
- (j) menetapkan apa jua yang boleh atau yang dikehendaki ditetapkan di bawah Enakmen ini.

Kecualian  
bagi lesen-  
lesen yang  
sedia ada.  
*N.M.B.*  
*Bab 153.*  
*Akta 313.*

29. (1) Walaupun Enakmen Hutan 1934 telah dimansuhkan oleh Akta Perhutanan Negara 1984, setiap lesen berkenaan dengan suatu industri berasas kayu yang dikeluarkan di bawah Enakmen tersebut, yang sah sebelum sahaja Akta itu berkuatkuasa, hendaklah terus berkuatkuasa dan hendaklah disifatkan telah dikeluarkan di bawah Enakmen ini dan hendaklah tertakluk kepada peruntukan-peruntukan Enakmen ini.

(2) Peruntukan-peruntukan di bawah seksyen 11 berkaitan dengan penggantungan dan pembatalan lesen hendaklah digunakan bagi semua lesen yang disifatkan di bawah subseksyen (1) telah dikeluarkan di bawah Enakmen ini.

Terhentinya  
per-  
undangan  
subsidiari  
ber-  
hubungan  
dengan  
industri  
berasas  
kayu yang  
dibuat  
di bawah  
Enakmen  
Hutan, 1934.  
*N.M.B.*  
*Bab 153.*

30. Apabila Enakmen ini mula berkuatkuasa, semua kaedah dan perundangan subsidiari lain yang dibuat di bawah Enakmen Hutan, 1934 berhubungan dengan apa-apa aktiviti yang berada di bawah skop industri berasas kayu hendaklah terhenti daripada berkuatkuasa.

31. Pihak Berkuasa Negeri boleh melalui perintah yang disiarkan di dalam *Warta* membuat apa-apa peruntukan sebagaimana yang difikirkannya perlu atau bermanfaat bagi maksud menghapuskan apa-apa kesulitan yang disebabkan oleh berkuatkuasanya Enakmen ini, sesuatu perintah sedemikian boleh dibuat supaya berkuatkuasa mulai dari mula berkuatkuasanya Enakmen ini.

Kuasa  
Pihak  
Berkuasa  
Negeri  
membuat  
peruntukan  
peruntukan  
peralihan  
tambahan.

32.

#### JADUAL

(Seksyen 2)

#### INDUSTRI BERASAS KAYU

1. (i) Kilang papan  
(ii) Kilang papan bergerak
2. (i) Kilang venit  
(ii) Kilang papan lapis
3. (i) Loji tanur pengering  
(ii) Loji pengawetan
4. (i) Kilang perabot  
(ii) Kilang kayu kumai  
(iii) Kilang kerja kayu  
(iv) Kilang lantai parket  
(v) Kilang kotak kayu, pak dan pallet  
(vi) Loji komponen-komponen bangunan kayu siap dulu
5. (i) Kilang papan blok/kilang papan bilah/kilang papan berlapis  
(ii) Kilang papan serpili/kilang papan serpai  
(iii) Kilang papan gentian  
(iv) Kilang papan fatal kayu/kilang papan simen kayu  
(v) Kilang paipan wafer/kilang papan flake
6. Kilang pulpa dan kertas
7. (i) Loji cebis kayu  
(ii) Loji tepung kayu

8. (i) Tanur arang
- (ii) Loji kayu brikot
9. Kilang mancis
10. (i) Loji penyulingan kayu
- (ii) Loji hidrolisis kayu
- (iii) Kilang pulpa rayon
11. Kilang buluh
12. Kilang rotan.

Diluluskan pada 8hb April 1987.  
[PPN Pk. (SULIT) 3/39 Jld. 2; PU Pk. 8/83.]

MUHAMMAD PADZIL BIN KHALID,  
*Setiausaha,*  
*Dewan Perhimpunan Undangan Negeri,*  
*Perak*